

Siunnersuummut nassuiaatit

Nassuiaatit nalinginnaasut

1. Aallaqqaasiut

Siunnersuummi, suliffeqarfiup atueqqinnissaq siunertaralugu Kalaallit Nunaanni imigassat ethanolimik akullit immiorneqartut sinneruttut akuiarneqarnerani marloriaammik akitsuutinik akileeqqusisarnissap pinngitsoortinnissaa siunertaavoq.

Tamatuma saniatigut siunnersuummi kalaallisut qallunaatullu inatsisip oqaasertaasa assigiinnissai qularnaarniarneqarpoq.

2. Siunnersuummi immikkoortut pingarnerit

Akilerartarnermut Aqutsisoqarfiup nioqqutinut ullussaminnik qaangiisimasunut, assinganilluunniit killigitamik qaangiisimasunut, tamatumalu kingornatigut imigassamik ethanolilimmik immiornissanut siunertaqarluni akuiakkanut akitsuut akiliutaasimasut utertitseqqinnissaannut pisussaaffilernissaa siunnersuutaavoq.

Nunamut eqqussatut imigassat ethanolimik akullit assingusut allat assigalugit Kalaallit Nunaanni immiorneqartut immiaaqqat imigassallu ethanolimik akullit allat akitsuuteqarput. Akitsuut Inatsisartut inatsisaat nr. 20, 12. november 2003-meersukkut atulersinneqarpoq, tamanna Kalaallit Nunaanni immiaaraliorfeeqqani immiorsinnaanermik atortorissaarutini ineriartornerup pisinnaatitsilerneranik pissuteqarluni. 2020-p tungaanut imigassat ethanolimik akullit akitsuutimi akigititai imigassat ethanolimik akulinnut Kalaallit Nunaanni immiorneqartunut akitsuutit pillugit Inatsisartut inatsisaanni, aammalu eqqussisarnermut akitsuutit pillugit Inatsisartut inatsisaanni assigiipput.

Maanna inatsit naapertorlugit Akilerartarnermut Aqutsisoqarfimmi suliffeqarfiit sisamat nalunaarsugaapput.

Suliffeqarfiup imigassamik kimittuumik (soorlu vodkamik) immiorniarluni nioqqutissat sinneruttunut akitsuutinik taarsiiffigineqarnissamut periarfissaq pillugu akuersissummik piginnittoq apeqquteqarpoq. Tamatumani aamma nioqqutissiarineqartut immiaaqqat, niuerutiginnissaanullu ulloq killigititaasoq pissutigalugu immialiorfimmuut utertinneqartut pineqarput.

Maanna nioqqutinut akitsuutilinnut, imaluunniit akitsuummik akiliuteqarfiusussanut akitsuutit taarsiiffiginissaannut inatsisartut inatsisaanni tunngavissartaqanngilaq. Tamanna pissutigalugu nioqqutissat, akitsuutit akiliutiginnissaanut pisussaaffigisap atuutilerfigisaatut aallaqqaammut

akitsuummik, aammalu nioqqutigisap akuiarneratigut kimittorsakkap nioqqutaalernerani akitsuut akilerneqartussa q ilanngullugu pisussaaffilerneqassapput. Maanna malittarisassat malillugit taakkunani marloriaammik akitsuutinik akileeqqusisoqartarpoq, tamannalu inatsimmi siunertaanngilaq.

Inatsit § 19, imm. 1, nr. 2-ani kalaallisut oqaasertaa qallunaatut oqaasertaanut naleqqiullugu assigiinngissuteqarpoq, tassani oqaatsip ”unioqqutitsisoq” kingornatigut ”unioqqutitseriaraluartoq” ilanngunneqarami. Manna siunnersuummi assigiinngissut taanna iluarsineqarpoq.

3. Pisortanut aningaasaqarnikkut allaffissornikkullu kingunerisassat

Siunnersuummi imigassap akitsuutaanut naleqqiullugu imigassamut kimittuumut akitsuutip qaffasinnerunerata nassatarisaanik Nunatta Karsianut isertitat annertunerulissasut naatsorsuutaavoq.

Iluanaarutit naatsorsoruminaapput, siunissami annertussuseq aningaasaqarnikkullu sunniutaasussat nalorninarmata.

4. Inuussutissarsiortunut aningaasaqarnikkut allaffissornikkullu kingunerisassat

Suliffeqarfiit sumiiffigisami imigassanik ethanolilinnik immiortut, marloriaammik akileeqqusineq peerneratigut suliffiit ataasiaannaq akileeqqusarnissaatigut siunnersuutip iluaqutsissavai.

5. Avatangiisinut, pinngortitamut inuillu peqqissusaannut kingunerisassat

Siunnersuut avatangiisinut, inuillu peqqissusaannut imaluunniit pinngortitamut tunngasunik kinguneqarnissaa naatsorsuutaanngilaq.

6. Innuttaasunut kingunerisassat

Siunnersuut innuttaasunut malunnartunik kinguneqarnissaa naatsorsuutigineqanngilaq.

7. Kingunerisassat annertuut allat

Siunnersuut allanik kinguneqarnissaa naatsorsuutigineqanngilaq.

8. Pisortat kattuffiillu il.il. tusarniaavigineri

Siunnersuut 3. maj 2023-mit 1. juni 2023-mut ukununnga tusarniaassutigineqarpoq: Sulisitsisut (Grønlands Erhverv (GE)), Sulinermik Inuussutissarsiuteqartut Kattuffiat (SIK), Nunatsinni Advokatit, Naalakkersuisup Siulittaasuata Naalakkersuisoqarfia, Nunanut Allanut,

Inuussutissarsiornermut Niuernermullu Naalakkersuisoqarfik. Ineqarnermut Attaveqaasersuutinullu Naalakkersuisoqarfik, Nunalerinnermut, Imminut Pilersornermut, Nukissiutinut Avatangiisinullu Naalakkersuisoqarfik, Aatsitassanut Inatsisillu Atuutsinneqarnerannut Naalakkersuisoqarfik, Isumaginninnermut, Suliffeqarnermut Nunamullu Namminermut Naalakkersuisoqarfik, Aalisarnermut Piniarnermullu Naalakkersuisoqarfik, Meeqqanut, Inuusuttunut Ilaqutariinnullu Naalakkersuisoqarfik, Peqqissutsimut Naalakkersuisoqarfik, Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik, Avannaata Kommunია, Kommune Kujalleq, Kommune Qeqertalik, Qeqqata Kommunია aamma Kommuneqarfik Sermersooq.

Siunnersuut Naalakkersuisut tusarniaassutinut nittartagaanni, www.naalakkersuisut.gl-imi tamanut saqqummiunneqarpoq.

Tusarniaanermut akissutit attuumassutillit ilanngunneqarput.

Tusarniaanermut allakkiaq pillugu ilanngussaq 2-mut innersuussisoqarpoq.

Aalajangersakkanut ataasiakkaanut nassuiaatit

§ 1-imut

Nr. 1-imut

§ 7, imm. 1-imi nr. 4 nutaakkut Akileraartarnermut aqutsisoqarfik ullup nioqquteqarfissatut kingulliup qaangiutereernerata kingorna, imaluunniit assingusumik killiliussap imigassanik ethanolimik akulinnik allanik immiornissamut akuiarneqarlutik Kalaallit Nunaanni imigassat ethanolimik akullit kimittorsakkanut akitsuutinik akiligaasunik utertitsinissamut pisussaaffilerneqarpoq.

Taarsiissuteqarneq nioqqutinik piginnittup nioqqutit akileraartussaaneq naapertorlugu annertussusilimmik immiarineqartut, inatsit § 6 imm. 1-i naapertorlugu naatsorsugassareriigai, ilanngaateqarfigippagit pissaaq.

Nr. 2-mut

Siunnersuummi kalaallisut allannerani § 19, imm. 1, nr. 2-mi naqqinneqarput.

Nunatsinnit inatsisaasup allannertaanik misissuinerup takutissimavaa inatsimmi § 19, imm. 1, nr. 2-mi kukkuneqartoq, oqaatsip ”unioqqutitsisoq” kingornatigut ”unioqqutitseriaraluartoq” ilanngunneqarami. Pineqartoq tassaavoq pineqaatissiisarnermut aalajangersagaq, taamaattumillu eqqortumik assigiaartumillu oqaatsinik atuisoqassasoq pingaartuusutut isigineqarpoq.

§ 2-mut

Inatsisartut inatsisaat ulloq 1. januaari 2024-mi atuutilissasoq siunnersuutigineqarpoq.

Siunnersuut inatsisaasumut atuuttumut sanilliullugu	
<i>Oqaasertaliussat atuuttut</i>	<i>Siunnersuut</i>
	§ 1 Imigassat ethanolimik akullit Kalaallit Nunaanni sananeqarsimasut akitsuutaat pillugit Inatsisartut inatsisaat nr. 20, 11. december 2003-meersumi, kingusinnerpaamik Inatsisartut inatsisaat nr. 2, 24. maj 2019-imeersumi allanngortinneqartumi uku allannguutigineqarput:
§ 7. Annertussutsimit akitsuusigassamit § 6, imm. 1 naapertorlugu naatsorsorneqartumit ilanngaatigineqassapput: 1) nioqutissat ikuallattoqarneratigut, erngartoqarneratigut assigisaatigulluunniit suliffeqarfimmi imaluunniit suliffeqarfimmut suliffeqarfimmiilluunniit assartorneqarnerminni annaaneqartut, 2) nioqutissat utertinneqartut, aki akitsuummik ilaqartoq pisisumut utertinneqarpat, 3) nioqutissat sumiiffinnut Kalaallit Nunaata avataaniittunut anninneqartut.	1. § 7, imm. 1, imatut oqaasertalerneqassaaq: ”Annertussuseq akitsuusigassamit § 6, imm. 1 naapertorlugu naatsorsorneqartumit ilanngaatigineqassapput: 1) nioqutissat ikuallattoqarneratigut, erngartoqarneratigut assigisaatigulluunniit suliffeqarfimmi imaluunniit suliffeqarfimmut suliffeqarfimmiilluunniit assartorneqarnerminni annaaneqartut, 2) nioqutissat utertinneqartut, aki akitsuummik ilaqartoq pisisumut utertinneqarpat, 3) imigassat Kalaallit Nunaata avataanut nioqutigineqartut, aamma 4) imigassat ethanolimik akullit Kalaallit Nunaanni immiorneqartut, qaangiunnerata kingorna, imaluunniit assingusumik killiliunneqartup kingorna akuiakkat atuisunut tuniniarneqarsinnaajunnaartut.”
§ 19, imm. 1, nr. 2	2. § 19, imm. 1, nr. 2, imatut oqaasertalerneqassaaq:

2) unioqqutippaa § 1, § 1 a, § 2, § 3, imm. 1, § 6, imm. 1, § 8, imm. 1, § 9, imm. 1 imaluunniit § 10, imm. 1,	”2) § 1, § 1 a, § 2, § 3, imm. 1, § 6, imm. 1, § 8, imm. 1, § 9, imm. 1 imaluunniit § 10, imm. 1 unioqqutippagu,”
	<p style="text-align: center;">§ 2</p> <p>Inatsisartut inatsisaat ulloq 1. januaari 2024-mi atuutilissaaq.</p>

Tusarniaanermut akissuteqaat

Siunnersuummut atatillugu Sulisitsisunit, SIK-mit, Aatsitassanut Inatsisillu
Atuutsinneqarnerannut Naalakkersuisoqarfimmit aamma Kommune Kujallermit akissutinik
tigusisoqarpoq.

Imigassat ethanolimik akullit Kalaallit Nunaanni immiorneqartut ullussaminnik
qaangiisimasut akuiarneqarneranut akitsuummik utertitsineq pillugu ilanngussassaqaqanngillat.